



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gvilielmi Becani E Societate Iesv Idyllia Et Elegiae

Becanus, Gulielmus

Antverpiae, 1655

Elegia V. Ad Philippvm IV. De misso in Belgicam Ferdinando.

urn:nbn:de:hbz:466:1-12773

86 G V I L I E L M I B E C A N I

Et tamen his etiam pugnam temerarius offers,
 Primus signa moues, primus in arma ruis?
 Audeat in saevos vltro sic præda lecnes,
 Audeat in rabidos ire voranda lupos.
 Arma, parum refert, quod non per lustra tulere,
 Attrito canum nec caput ære tegant.
 Si nescis, animis non annis bella geruntur.
 Virtus, non ætas ferre trophæa solet.
 Utque suos hostes numquam non vincere possint,
 Austriacis robur contigit ante diem.
 Quod vobis usq[ue], prudentia contulit illis,
 Ingeniumque annis maius utrique suis:
 Quod vobis fortuna, hoc i[us]lis fata Deusque,
 Hoc stirpi virtus ingenerata dedit.

E L E G I A V.

AD PHILIPPVM IV.

De missione in Belgicam Ferdinandō,

Vota valent igitur; nec inexorabilis umquam
 Est Deus; aut frustra nos sinit esse pios.
 Quæ negat, ipse tibi nolis concessa: rogando
 Persta, quamque roges, vberiora feres.
 Vberiora tulit nunc certe Belgica, habetque
 Cur non auditas gaudeat ante preces.
 Non quia nunc urbes, quas perdidit ante, recepit;
 Alterius donum temporis illud erit:
 Nec quia depositis, quod adhuc non expedit, armis
 Dulcia securæ tempora pacis cunct;

Tunc

Tunc erit hoc, cùm se, quod iam reor esse propinquū,
 Subdiderit domino pars inimica suo :
 Sed quia, quod multis meritò plus esse triumphis
 Dicit, habet fratrem, magne Philippe, tuum.
 Dumque habet hunc, ipsum te, Rex, se pænè tenere
 Credit; & vt credat, moribus ille facit.
 Tam similis virtute tibi est, quam tu ipse parenti
 Imperio minor est, cetera fratris habet.
 Ergo Deum sibi iam fauisse fatetur abundè ,
 Et te, post magnum, quem colit illa, Deum ;
 Et, quamvis animo nil non sperabat ab illo ,
 Iam tamen optatis plura tulisse suis.
 Scilicet ingentem cùm plurima Regna per orbem
 Imperio & curâ sunt moderanda tuâ,
 Te, quod iure potest, tellus sibi seruat Ibera;
 Nos tibi, post illam, proxima cura sumus.
 Illa quidem seruat, multos & seruet in annos,
 Quo nullum speret maius habere caput :
 Sed, quo non illi proprius vel sanguine possit ,
 Vel virtute dari, Belgica nostra tenet.
 Vos igitur nobis, quorum defensa labore ,
 Empræque sèpè fuit sanguine nostra salus ,
 Vos precor, ô magni nobis faueatis Iberi ,
 Et Belgas vobis dicite pænè pares.
 Namque vbi, qui cunctis satis esset gentibus unus ,
 Vni se genti plus satis esse videt ,
 Iam bona nobiscum diuisit vestra Philippus :
 Vos Regem, fratrem Belgica Regis habet.
 Et tamen hic aliquis (veniam da patria, luctum
 Si renouem, & prodam dedecus ipse tuum)
 Et tamen hic aliquis dominum non fidus in illum
 Yixit : posteritas ne precor adde fidei.

Quæ tamen hic fecit, si persananda Philippus
 Vulnera germanum misit ad illa suum,
 Irasci si dum potuit, miserescere Princeps
 Maluit, offensæ nec meminisse suæ ;
 Qui fuit, inuictas qui prodidit hostiis vrbes,
 Utiliter nobis perfidus ille fuit,
 Ergo tibi, per quem nobis sic esse beatis
 Contigit (ô Belg! spesque salusque tui !)
 Numina tam faueant (quid enim nisi vota queamus
 Reddere?) quam nobis ipse Philippe faues ;
 Et, quam longa tibi petimus, dent tempora, princeps
 Ut noster possis esse, paterque diu.
 Atque ubi, quos terræ debes, impleueris annos,
 Teque tuos inter cernet Olympus auos ;
 Tum tuus, in laudes natus qui surgit auritas,
 Indole cognosci qui tuus esse potest,
 Per tua, perque tui fratris te facta sequatur,
 Et sedeat folio non minor ipse tuo :
 Sceptraque cum totidem, quot tu, gestauerit annis,
 Per similes dextras posteritatis eant.
 Cetera cumque Deus concederit omnia, fratres
 Tam claros habeat, quam pater antè suus.



E L E -